

HITZ BITAN

EKIALDE HURBILA. Israelgo Armada Janinen, Hebronen eta Belenen sartu da



Ramalan, Israelgo Armadak suntsitu Mukatan altzari bila

Israelgo Armadak herenegun Ramalako Palestina-ko Aginte Nazionalaren Mukata egoitza —irudian— ia erabat suntsitu ondoren, atzo berriz eraso jo zuen Janinen. Tankeek hainbat tiro egin ondok soldaduak etxez etxe aritu ziren, ekintzaile bila. Bestalde, tankeak Belen ondoko Al Khader eta Deheishen sartu ziren, baita Hebron ondoko Al Fauar errefuxiatu gunean ere; azken honetan bost

palestinar atxilotu zituzten. Berebat, soldaduek hiru palestinar atxilo hartu zituzten atzo goizaldean Tulkaremen eta Ramalan. Bien bitartean, Hamas-eko buru Ahmed Jasinek atzo esan zuenez, «Israelek ez du segurtasunik izango guk, palestinarrok, ez dugun arte». Bestalde, Palestinako Segurtasun Indarrek neska bat bortxatu eta hiltzeaz akusatutako bi palestinar fusilatu zituzten atzo Gazan.

SRI LANKA. Gobernua gerrillarekin bilduko da

Tamil Tigreei ezarritako debekua altxatuko du Colombok

Agentziak | COLOMBO

Sri Lankako Gobernuak lege prozedura abiatu du Tamil Ealam Askatzeko Tigreak (Tamil Tigreak) erakunde gerrillariaren kontrako debekua altxatzeko. Urrats hori beharrezkoa du tamilekin bake elkarriketak hasteko.

Colomboko gobernuak hil honen bukaeran edo uztailaren hasieran abiatu nahi ditu bake elkarriketak Tamil Tigreen ordezkariekin. Elkarriketak Tailandian egitekoak dira. Horretarako, Sri Lankak Tamil Tigreen erakundeari 1998an ezarritako debekua kendu beharko dio. Sri Lankako Afera Konstituzionale-tarako ministroak jakitera eman duenez, debekua «elkarriketak hasi baino hamar egun lehenago» altxatuko dute.

Elkarriketak funtsezkoak dira Norvegiak gidatutako bake prozesuan. Joan den otsailean Colomboko gobernuak ordezkariak eta Tamil Tigreek sueten iraunkorra sinatu zuten.

Hala, gobernuak indarren eta gerrillari tamilen arteko ia 20 urteko gerrari akabera eman zioten. Aduen ustez, 60.000 pertsona baino gehiago hil dira borrokan ondorioz.

Tamil Tigreak, independentziaren xerka

Tamil Tigreek 1983an ekin zioten Sri Lankako Gobernuaren kontrako borroka armatuari. Beren helburua estatu tamil bat eraikitzea da, Sri Lanka uhartearen ipar eta ekialdean.

Urtetan indarkeria izan da nagusi Sri Lankako Armadaren eta gerrillarien artean. 1983ko altxamenduaz geroztik hainbat bake elkarriketa saio izan dira, baina guztiak ere, alferrik. Aitzitik, 2001ean Ranil Wickramasinghek Sri Lankako lehen ministro kargua hartu zuenean, bake itxaropena piztu zen. Wickramasinghek bakearen alde hainbat eginahal egin ditu, oposizioaren kritikak jasoz —balidintzarik gabeko eskaintzak egitea egotzi diote—.

ARGENTINA

Domingo Cavallo ministro ohia libre utzi dute

Domingo Cavallo Argentinako ministro ohia libre utzi zuen atzo auzitegi batek, haren kontrako prozesua ezeztatuta. Cavallo 65 egunean egon da atxiloturik 1991. eta 1995. urte bitartean Ekuador eta Kroaziara ustez egindako arma kontrabandoarengatik.

ALEMANIA


Hiru pertsona hil eta bat desagertu dira uholdeetan

Alemanian hegoaldean egunotan izandako euri erauntsiek eragindako uholdeetan hiru lagun hil direla jakinarazi zuten agintariak; horrez gain, beste pertsona bat desagertu dela esan zuten. Ezbeharrak Bavaria eskualdean agitu dira.

KENYA

Iheslariak mugatik urruntzeko eskatu dio NBEk Nairobiri

NBE Nazio Batuen Erakundeak eskaera bat egin die Kenyako agintariari, Kenyan Somaliako mugatik gertu diren 5.000 inguru errefuxiatu somaliarrak beste norabait eraman ditzan. Aholkua segurtasun neurriengatik egin du nazioarteko erakundeak.



TURKIA

Bulent Ecevit lehen ministroa osasun arazoengatik bilera batean egon ez izanak kezka piztu du

Turkiako lehen ministro Bulent Ecevit ez zen bilera garrantzitsu batean egon herenegun, osasun arazoak direla eta. Bileran giza eskubideez hitz egin behar zuten, Turkia Europako Batasunari lotze aldera. Ministroaren osasunak kezka eragin du Turkian.

IRLANDA

Belfasteko ekialdean indarkeria gelditzeko neurriak hartuko dituzte

Ipar Irlandako Segurtasun ministro Jane Kennedyk atzo jakinarazi zuenez, hainbat neurri hartuko dituzte Belfasteko ekialdean indarkeria bukatzeko. Horretarako, Armada britainiarra bidaliko dute Ballymacarrette-ra, auzo protestantea eta katolikoa banatzen dituzten gune berroak zaintzera; berebat, hesi altuagoak eraikiko dituzte. Horren haritik, atzo loialista talde bat erdiguneko eskola batean sartu zen, Short Strandeko ikasle katolikoak beldurtzera. Bestalde, atzo bonba bat jarri zioten polizia sartu berri den gazte katoliko bati; soilik detonagailua lehertu zenez, polizia onik atera zen.

BANAKETA ENPRESA batek banatzaile bat behar du Zumaian

LAN-BALDINTZAK:

- Egunean ordu eta erdi.
- Goizeko 06:30etik 08:00etara.
- Astean sei egun.

Ez da beharrezkoa autoa izatea

**Astelehena, ekainaren 10ean,
deitu telefono honetara: 902 300 223**

Donostiako enpresa batek ondoko lanpostua bete behar du:

KOMERTZIALA (72 erref.)

PUBLIZITATE SALMENTAN aritzeko DEBA ALDEAN

ESKAINITZEN DA:

- Lan kontratu laborala, Gizarte Segurantzarekin.
- **Soldata finko interesgarria** + Komisioa.
- Bezero zerrrenda.
- Formakuntza, enpresaren kontu.

ESKATZEN DA:

- EUSKARAZ JAKITEA EZINBESTEKOA DA.
- Eskarmentua izatea antzeko lanetan.
- Komunikaziorako gaitasuna eta harremanetarako trebezia.
- Eskualdean bizitzea.
- Autoa izatea.

INTERESATUEK, CURRİKULUM ZEHATZA BIDALI ARGAZKI BERRI BATEKIN, EKAINAREN 19a BAINO LEHEN, HELBIDE HONETARA:

1887 Posta-kutxa / DONOSTIA

TXETXENIA

Moskuri nazioartearen isiltasunarekin genozidioa egitea leporatu diote

Txetxeniako presidente Aslan Maskhadovek, Errusiako kontzentrazio guneetako biktima talde batek eta Memorial giza eskubideen aldeko taldeak akusazio larria egin diote Moskuri. «Nazioarte komunitatearen isiltasuna baliatuz, garbiketa etnikoa eta genozidioa egiten du Errusiak», esan dute.